

Dena eman dutenengatik Euskal Herria dugu irabazteko

JARKI :: 06/09/2022

Gudari eguna 2022. Irailaren 24an Hernaniko Gudarien Plazan 12:30:etan

Euskal Herria jazartzen duten Frantziako eta Espainiako estatuek, ahanzturaren eta historiaren manipulazioaren bitartez, euren neurriko errelatoaren eraikuntzan murgilduta dihardute buru-belarri. Zapaldu eta zapaltzaile logika jarraituz, galtzaile-irabazle logikaren pean oinarritutako kontakizuna sustatzea helburu, memoria gudu-zelai bilakatu dute. Euskal Herria jazartzen diharduten txakurren eskutiko garaipen polizialaren istorioa, hauek Euskal Herri Langilearen begietan zilegiztatu eta euren ibilbidea zuritzen duena. Herri langilea eta bere askatasun guraria deuseztatzeko, estatuek eta euren borroeroek urte luzeetan era sistematikoan aurrera eramandako jazarpen estrategiaren baitan burutu dituzten errepresioa, eskubideen ukapena, atxiloketak, torturak, espetxeratzea, erbestearen zein erailketak ezkutatzeko, eta erruduntasuna herri honen askapenaren alde borrokatutako gudarien gain kokatzen duen errelato interesatu eta faltsua.

Baina saldu nahi dutenaren kontra, ez gara bakearen gailentzeaz ari, estatuek inposatutako ordenaz baizik. Euskal Herriaren nazio izaeraren, bere kulturaren eta hizkuntzaren ukazioa asimilaziorako baliatzen dituen ordena. Langileak lantokietan esplotatuta bizirautea eta miseria zein azpirazioa besterik ez den jomuga edukitzera kondenatzen dituen ordena. Euskal Herriaren askapenaren alde borrokatutako gudariak preso mantentzen dituen ordena. Harreman patriarkalen bitartez kapitalaren birprodukzioa mantentzeko genero zapalkuntza emakume langilearen aurka baliatzen duen ordena. Jazarpen juridikoaren eta poliziala medio Euskal Herria administratiboki muga artifizialen bitartez banatuta mantentzeagaitan, azpiratuta mantentzen duen ordena.

Hamaika dira Euskal Herri Langileak pairatzen dituen zapalketak eta borrokarako arrazoiak. Baina jazarpenaren erantzukizuna ezin da mugatu kolore ezberdinetako txakurren eskutik ematen den okupazio militarra eta polizialera. Frantziar eta espainiar estatuetako instituzioak Euskal Herria zapalduta mantentzeko tresna diren heinean, honek pairatzen duen zapalkuntzaren adierazgarri nagusia dira; Euskal Herri Langilea mendean mantentzeko, instituzio ezberdinek eta hauetan diharduten zein hauen lepora bizi diren politikariek aipamen berezia merezi dutelarik, herri langileak pairatzen duen zampaketa dagokionez duten erantzukizunagatik. Izan ere, eurek kontrolatzen dituzten lege eta justizia burgesen neurrirako ordena sortu eta mantentzeaz gain, edonolako disidentzia politikoa eta izaera iraultzaileko dinamika deuseztatzea zuzenduta dago. Gauzak horrela, mugimendu iraultzaileak instituzio hauei alternatibak planteatzea izan behar du helburu nagusitzat, hauen zilegitasuna eta etsaiaren botereguneak borrokatzearekin batera.

Ezin dugu etsaiak saldu eta inposatu nahi duen errelatoa onartu, zapalduak eta zapaltzaileak bizi duten errealitatea ez baita bera. Izan ere, botere-harreman egoeretan, adiskidetzeko posizioak botere posizioan aurkitzen den parteari mesede egitea dakar, halabeharrez. Esplotazioa, errepresioa, biolentzia eta gerra langileria zapaltzen diharduen burgesiaren eskutik baitator beti. Zapaltzaileen eta zapalduon kontra ezin da parekatu,

beraz, euren interesak eta egoera kontrajarriak diren heinean.

Errepresioak dirauen bitartean, Euskal Herria nazionalki ukatua eta sozialki zapaldua den bitartean askatasun egarria konstante bat izango den heinean, herri honen askapenaren alde dena eman duten gudarien borroka konstante bat izango da. Gudarien borroka lehen lerroan jartzea, memoriara mugatutako egintzaz haratago, Euskal Herriaren askapenarekiko engaiamenduaren eta konpromisoaren eredia da. Horregatik, Euskal Herri Langileak ez du bere gudarien borroka ahaztuko eta, are gutxiago, galdutzat emango, borroka hau Euskal Herriko langileon oinazearen parte eta erantzuna baita.

Gora Eusko Gudariak!

INDEPENDENTZIA * SOZIALISMOA

<https://eh.lahaine.org/dena-eman-dutenengatik-euskal-herria>